

永樂大典卷之一萬一千一百四十

水 水經十四



水經江水又右逕揚岐北山。山統大江。山東有城。故華容縣尉舊治也。大江又東左合于夏口。江水左也。北出通於夏水。故曰于夏也。大江又東左得侯臺水口。江浦也。大江又得龍穴水口。江浦。右也。北對虎洲。入洲北有龍巢地名也。昔禹南濟江。黃龍夾舟。舟人五色無主。禹笑曰。吾受命於天。竭乃養民。生死命也。何憂龍哉。於是二龍弭鱗掉尾而去焉。故水地取名焉。江水自龍巢而東俞口。夏水泛盛則有。冬無之。江水北岸上有小城。故監縣尉治也。又東得清陽土塢二口。江浦也。大江右逕石首山北。又東逕赭要。赭要洲名。在大江中。次北湖洲下。江水左得飯筐上口。秋夏水通。下口間相距三十餘里。赭要下。即揚子洲。在大江中。二洲之間。常苦蛟害。昔荆俠乘濟北。遇兩蛟斬之。自後罕有所患矣。江之右岸則清水口。口上即錢官也。水自牛皮山東北通江。北對清水洲。洲下接生江洲南。即生江口水。南通醴浦。江水右會飯筐下口。江浦所入也。江水又右得上檀浦。江澹也。

江水又東逕竹町南。江中有觀許淺淺。東有大洲。洲東分爲喬洲。洲南對湘江口也。又東至長沙下雋縣北。澧水沅水資水合。東流注之。凡此諸水。

皆注于洞庭之陵。是乃湘水非江川。湘水從南來注之。江水右會湘水。所謂江水會者也。江水又東左得二夏浦。夏浦俗謂之西江口。又東逕忌置

山南。山東即隱口浦矣。江之右岸有城陵山。山有故城。東接微落山。亦曰暉落磯。江之南畔石黃金類。類東有黃金浦。良父口。夏浦也。又東逕彭城

口。水東有彭城磯。故水受其名。即玉潤水。出巴丘縣東。玉山玉溪。北流注于江。江水自彭城磯東逕如山地。北對隱磯二磯之間。大江之中。有獨石

孤立大江中山東江口。世謂之白馬口。江水又左逕白螺山南。石歷鴨蘭磯北江中也。東得鴨蘭治浦二口。夏浦也。江水左逕止烏林南。村居地名

也。又東逕烏黎口。江浦也。即中烏林矣。又東逕烏林南。吳黃蓋敗魏武於烏林。即是處也。江水又東左得子練口。北通練浦。又東合練口江浦也。南

直練洲。練石所以生也。江之右岸得箭磯口。即陸口也。水出下雋縣西三山溪。其水東逕陸城北。又東逕下雋縣南。故長沙舊縣。王莽之閭焉也。宋

元嘉十六年。劉隸已陵郡。陸水又屈而西北流。又逕其縣北。北對金城。吳將陸渙所屯也。陸水又入蒲圻縣北。逕呂蒙城西。昔孫權征長沙。零桂所

頭也。陸水又逕蒲磯山北入大江。謂之刀環呂。又東逕蒲磯山北。對蒲圻洲。亦曰華洲。又曰南洲。洲頭即蒲圻縣治也。晉太康元年置。洲上有白面洲。洲南又有滌口。水出豫章。又縣東入蒲圻縣。至沙陽西北。魚嶽山入江。山在大江中。楊子洲南。嶽峙中洲。江水左得中陽水口。又東得白沙口。一名沙屯。即麻屯口也。本名蔑點口。江浦矣。南直蒲圻州。水北入百餘里。吳圻屯也。又逕魚嶽山北下得金梁洲。洲東北對淵洲。一名淵步洲。江濱從洲頭以上。悉壁立無岸。歷專岐至白沙。方有浦止。甚難。江中有沙陽洲。沙陽縣治也。縣本江夏之沙羨矣。晉太康中改曰沙陽縣。宋元嘉十六年。劉隸已陵郡。江之左岸有雍口。亦謂之派口。東北流之長洋港。東北流逕石子岡。岡上有故城。即州陵縣之故城也。莊季所言在州侯國矣。又東逕州陵新治南。王莽之江夏也。港水東南流注于江。謂之洋口。南對龍穴洲。沙陽洲之下尾也。洲裏有駕部口。宋景平二年。迎文帝於江陵。法駕頓此。因以爲名。文帝幸駕發江陵。至此黑龍躍出。負帝所乘舟。左右失色。上謂長史王曇首曰。乃夏禹所以受天命矣。我何德以堪之。故有龍穴之名焉。江水東右得聶口。江浦也。左對聶州。江水左逕百人山南。右逕赤壁山北。昔周瑜與黃蓋詐魏武大軍所起也。江水東逕大軍山南。山東有山屯。夏浦江

水左進也。江中有石浮出。謂之節度石。右則塗水注之。出江州武昌郡武昌縣泰山西北。流還汝南。僑郡故城南。咸和中。寇難南逼。戶口南渡。因置斯郡。合于塗口。塗水歷縣西。又西北流注于沔。江水又東。還小軍山南。臨側江津。東有小軍浦。江水又東。還雞翅山北。山東。即土城浦也。又東北至江夏沙羨縣西北。沔水從北來注之。沔水上承陽縣之白湖。東南流爲沔水。還陽縣南。注于江。謂之沔口。有陽都尉治。晉永嘉六年。王敦以陶侃爲荊州鎮此。明年徙林鄣。江水又東。還歎父山南對歎州。亦曰。炭步矣。江之右岸。當鷓鴣洲南。有江水右進。謂之驛渚。三月以來。水下通樊口水。江水又東。還魯山南。右翼際山也。地說曰。漢與江合于衡北。翼際山傍者也。山上有吳江夏太守陸渙所治城。蓋取二水之名。地理志曰。夏水過郡入江。夏也。舊治安陸。漢高帝六年置。吳乃徙此。城中有晉征南將軍荊州刺史胡奮碑。又有平南將軍王世符刻石記征社曾事。有劉琦墓及廟也。山左即沔水口矣。沔左有却月城。然亦曰。偃月壘。戴監軍築。故曲陵縣也。後乃沙羨縣治也。昔魏將黃祖所守。遣董襲陸統攻而擒之。櫓衛亦遇害於此。衡恃才倜儻。肆狂狷於無妄之世。保身不足。過非其死。可謂咎悔之深矣。江之右岸有船官浦。歷黃鵠磯西而南矣。直鷓鴣洲之下尾。江水漲曰狀。

浦。是曰黃軍浦。昔吳將黃蓋軍師所屯。故浦得其名。亦商舟之所會矣。船官浦東。即黃鵠山林間甚美。燕郡戴仲若野服居之山下。謂之黃鵠岸。岸下有灣。目之爲鵠灣。鵠山東北對夏口城。魏黃初二年孫權所築也。依山傍江。間勢明遠。憑牆藉阻。高觀枕派。上則遊因派川。下則激浪崎嶇。寔舟人之所艱也。對岸則入沔津。故城以夏口爲名。亦沙羨縣治矣。江水左得湖口水通太湖。又東合灕口水。上承沔水於安陸縣。而東逕灕陽縣北。東南注于江。江水又東。湖水自北南注。謂之加吳江。右岸頻得二夏浦北。對東城洲西浦側。有雍伏戍。江之左岸東會龍驤水口。出北山蠻中。江之有武口水。上通安陸之延頭。宋元嘉二年。衛將軍荊州刺史謝晦阻兵上流。爲征北檀道濟所敗。走奔於此。爲戍主光順之所執處也。南至武城。俱入大江。南直武洲。洲南對楊桂水口。江水南出也。通金女。大丈。桃班三治。吳舊屯所在。荊州界盡此。江水東逕若城南。庾仲雍江記曰。若城至武城口三十里者也。南對郭口夏浦。而不常泛矣。東得苦菜夏浦。浦東有苦菜。夏江逕其北。故浦有苦菜之名焉。山上有菜。苦可食。江水左得廣武口。江浦也。江之右岸有李燒浦。浦中偏無蚊蚋之患矣。北對崢嶸洲。冠軍將軍劉毅破桓玄於此洲。玄乃伏天子西走江陵矣。又東過郛縣南。江水東逕白

虎嶼。北山臨側。江濱又東會赤溪夏浦二口。江水右迤也。又東逕貝嶼。北。庾仲雍謂之渚岸矣。江左岸有狄口江浦也。又東得烏石水出。烏石南派注于江。江水右黎嶼。北。亦曰黎岸也。山東有夏浦。又東逕上磧。北山名也。仲雍謂之大小竹磧也。北岸峰大洲。即舉洲也。北對舉口。仲雍作宮宇。得其音而忘其事非也。舉水出龜頭山。西北流逕龍戍南。梁定州治。蠻田超秀。爲刺史舉水。又西流左合垂山之水。水北出垂山之陽。與戈陽潭水同發一山。故是水合之。水之東有南口戍。又南逕方山戍。西流注于舉水。又西南逕梁司。豫二州東蠻田。魯生爲刺史治湖陂城。亦謂之水城也。舉水又西南逕顏城南。又西南逕齊安郡西。倒水注之。出黃武山。南流逕曰沙戍。西入東南逕梁達城戍。西東南合舉水。舉水又南東歷赤亭下。又謂之赤亭水。又分爲二水。南派注于江。謂之舉洲。南對舉洲。春秋左傳定公四年。吳楚陣于柏舉。京相璠曰。漢東地矣。夏有汭水。或作舉。疑卽此也。左水東南派入于江。虎曰文方口。江之右岸有鳳鳴口。江浦也。浦側有鳳鳴戍。江水又東逕邾縣故城南。楚宣王滅邾。徙居于此。故曰邾也。漢高帝三年。項羽封吳芮爲衡山王都此。晉咸和中。庾翼爲西陽太守。分江夏立。四年。豫州刺史毛寶。西陽太守樊俊。共鎮之。爲石虎將張格度所陷。自爾

立壘焉。城南對廬川。舊吳時客舍於洲上方。便謂所止也。亦謂之羅州矣。
鄂縣北江水石得樊口。庾仲雍江水記云。谷里表口江津。南入歷樊山。上
下三百里。通新興馬頭二治。樊口之北有灣。昔孫權策大船。名之曰長安。
亦曰大船。載坐直之士三十人。與群臣泛舟江津。蜀值風起。權欲西取廬
州。谷不從利。乃拔刀急上令取樊口薄船。船至岸而敗。故名其處為敗船
灣。因鑿樊山為路。以上人。即名其處為吳造峴。在樊口上一里。今厥處尚
存。江水又左逕赤鼻山南。山臨側江川。又東逕西陽郡南郡治。即西陽縣
也。晉書地道記。以為弦國子也。江之右岸。有鄂縣故城。舊樊楚也。世本稱
熊渠封其中子之名為紅。是鄂王。晉太康地記。以為東鄂矣。九州記曰。鄂
今武昌也。孫權以魏黃初元年中。自公安徙此。改曰武昌縣。鄂縣徙治於
朱山東。又以其年立為江夏郡。分建業之民千家以益之。至黃龍元年。權
遷都建業。以陸遜輔太子鎮武昌。孫皓亦都之。皓還東。令滕牧守之。晉惠
帝永平中。始置江州。傳綽為刺史治此城。後太尉庾亮之所鎮也。今武昌
郡治城南有朱山。即樊山也。武昌記曰。樊口南有大姥廟。孫權常獵於山
下。依夕見一姥。問權獵何所得。曰正得一豹。母曰何不豎豹尾。忽然不見。
應劭漢官序曰。豹尾過後執金吾罷屯解圍。天子鹵簿中。後屬車施豹尾

於道路。豹尾之內爲省中。蓋惟事應在此。故爲立廟也。又孫皓亦嘗登之。便將害常侍王蕃。而其首虎以爭之。北背大江。江上有釣臺。權常極飲其上。曰。墮臺乃已。張昭盡言處。城西有郊壇。權告天位於此。顧謂公卿曰。魯子敬常言此。可謂明於事勢矣。城東故城。言漢將灌嬰所築也。江中有節度石三段。廣百步。高五六丈。是西陽武昌界。分江於斯石也。又得東五大。又得次浦。江浦也。水逕五嶽。北有五山。次江陰。故得是名矣。仲雍謂之五圻。江水左則巴水注之。水出雩婁縣之下。靈山即大別山也。與決水同出一山。故世謂之分水。山亦或曰巴山。南歷瑩中。吳時舊立屯於水。則引巴水以溉野。又南逕巴水戍。南流注於江。謂之巴口。又東逕輟縣故城南。故按國也。春秋僖公五年秋。楚滅弦。弦子奔黃者也。漢惠帝元年封長沙相利倉爲侯國。城在山之陽。南對五洲也。江中有五洲相接。故以五洲爲名。宋孝武帝舉兵江州。建才洲上。有紫雲蔭之。即是洲也。東會希水口出。瀟縣霍山西麓。山北有瀟縣故城。地理志曰。縣南有天柱山。即霍山也。有祠南嶽廟。音潛。齊立霍州治此。西南流分爲二水。枝津出焉。希水又南積而爲湖。謂之希湖。湖水又南流逕輟縣東而南流注于江。是曰希口水者也。然水流急濤。霖雨暴病。凜溫無常。行者難之。大江右岸有厭里口安樂

浦。從此王武昌尚方。作部諸屯相扶挾帶長江。又東得桑步。下有章浦。本西陽郡治。今悉荒蕪。江水左得赤水浦。夏浦也。江水入東逕南陽山南。又

曰芍嶮。亦曰南陽嶮。仲雍謂之南陽圻。一名洛至圻。一名石姥。水勢迅急。

江水又東逕西陵縣故城南。史記秦昭王遣白起伐楚取西陵者也。漢章

帝建初二年。封陰堂爲侯國。江水東歷孟冢澆江之右岸。有黃石山。水逕其北。即黃石嶮也。一名石茨圻。有西陵縣也。北縣則三洲也。山連逕江。則

東山偏高。謂之西塞。東對黃公九嶮。所謂九圻者也。於行小難。兩山之間。

爲閉塞也。從此濟於上復。上復者。北岸地名也。又東過蕲春縣南。蕲水從北東

注之。江水右得常口江浦也。浦東有葦山。江水東逕山北。北崖有東湖口。

江波左迤流結成湖。故謂之湖口矣。江水又東得空石口。江浦在右臨江。

有空石山。南對石穴洲。洲上有蕲陽縣治也。又東蕲水注之。江水又東逕

蕲春縣故城南。世祖建武三十年。封陳俊子浮爲侯國也。江水又東得銅

零口江浦也。大江右墩嶺山北。而東會海口水。南通大湖。北達于江水。左

右翼山。江水逕其北。東合戒口江浦矣。江水又左逕長風山南。得長風口

江浦也。江水又東逕積布山南。俗謂之積布嶮。又曰積布圻。庾仲雍所謂

高山也。此即西陽尋陽二郡界也。右岸有土復。曰江浦也。夾浦有江山。山

東口有護江浦也。庾仲雍謂之朔二浦也。又東過下雒縣北。刊水從東陵西南注之。江水東逕琵琶山南。山下有琵琶灣也。又東逕望夫山南。又東得苦菜水口。夏浦也。江之右岸富水注之。水出陽新縣之青澁山西北。派逕陽縣。故豫章之屬縣矣。地多女鳥。玄中記曰。新陽男子於水次得之。遂與共居生二女。悲衣羽而去。豫章間養兒不露其衣。言是鳥落塵於兒衣中。則令兒病。故亦謂夜飛遊女矣。又西北逕下雒縣。王莽更名之潤兒矣。後併新陽水之左右。公私裂既成。沃壤舊吳屯所在也。江水口右東得蘭溪水口。並江浦也。又東左得青林口。即水出廬江郡之東。陵鄉江夏有西陵縣。故是言東矣。尚書云。江水過九江至于東陵者也。西南派水積爲湖。湖西有青林山。宋太始元年。明帝遣沈攸之西伐于劬。伐柵青山觀一童子甚麗。問伐者曰。取此何爲。答欲討賊。童子曰。下句當平。何勞伐此。在衆人之中。忽不復見。故謂之青林湖。湖有鯽魚。食之肥美。辟寒暑。湖水西流。謂之青林水。又西南歷尋陽。分爲二水。一水東派通大雷。一水西南派注于江。經所謂刊水也。右對馬頭岸。自富口迄此五千餘里。岸阻江山。青衣水出青衣縣。西蒙山東。與沫水合也。縣故有青衣羗國也。竹書紀年。梁惠成王十年。取陽人自秦道嶧山。青衣水來歸。漢武帝天漢四年。分沅黎郡西部。都尉

青水之王。漢公孫述之有蜀也。青水不服。世祖嘉之。建武十九年。以爲郡。
安帝延光元年。置蜀郡。屬國都尉。青水王子心慕漢制。止未內附。順帝陽
嘉二年。改曰漢得此良臣也。縣有蒙山。青水所發。東逕其縣。與沫水會於
焉。郡之靈關道。青水水又東。邛水注之。水出漢嘉嚴道邛來山東。至蜀郡
臨邛縣東。入青水。至犍爲南安縣。入于江。青水水逕平鄉。謂之平鄉江。
益州記曰。平鄉江東逕峨眉山。在南安縣界。去成都南千里。然秋日清澄。
望見兩山相宇如峨眉焉。青水水又東。派注于大江。桓水出蜀部岷山西。
南行。羗中。入于南海。尚書禹貢。岷嶓既藝。施潛旣道。蔡蒙族于和夷底績。
鄭玄曰。和上夷所居之地也。和讀曰涇。地志曰。涇水出蜀郡蜀山西南行。
羗中者也。尚書又曰。西傾因桓是來。馬融王肅云。西治傾山。唯因桓水。是
未言無他道也。余按經據書。岷山西傾。俱有桓水。桓水出西傾山。更無別
流所導者。唯自水耳。浮於潛漢而達江沔。故晉地道記曰。梁州南至桓水。
西底黑水。東限扞關。今漢中。巴郡。汶山。蜀郡。漢嘉。江陽。朱提。涪陵。陰平。廣
漢。新都。梓潼。犍爲。武都。上庸。魏興。新城。皆古梁州之地。自桓水以南。爲夷。
書所謂和夷底績也。然所可當者。唯斯水與江耳。桓水蓋二水之別名。爲
兩川之通稱矣。鄭玄注尚書言。織皮謂西戎之國也。西傾雍州之山也。雍

或二野之間。人。有事於京師者。道當由此州而未。桓是隴坂名。其道盤桓
旋曲而上。故名曰桓。是今其下民。謂是坂曲爲盤也。斯乃玄之別致。恐乖
尚書固桓之義。非浮潛人謂之文。余考校諸書。以其間見。今畧緝綠川流
注沁之緒。雖今古異容。本其流俗。粗陳所由。然自西傾至葭萌入于西漢
即鄭玄之所謂潛水者也。自西漢邇源而屈于晉壽界。阻漾枝津。南歷兩
穴。迤邐而接漢沁。此入漾。書所謂浮潛而逾汚矣。歷漢川至南鄭縣。屬于
褒水。邇褒暨于衙嶺之南。漢川被灌于斜川。屈于武功。而北達于渭水。此
乃水陸之相關。川流之所經復。不乖禹貢入渭之宗。實符尚書亂河之義
也。若水出蜀郡旄牛徼外。東南至故關爲若水也。山海經曰。南海之內。黑
水之間。有水名曰若水。若水出焉。又云。灰野之山有樹焉。青葉赤華。厥名
若木。生崑崙山西。附西極也。淮南子曰。若木在建木西。木有十華。其光照
下地。故屈原離騷天問曰。羲和未揚。若華何光。是也。然若水之生。非一所
也。黑水之間。厥木所殖。水出其下。故水受其稱焉。若水沁流。間關蜀土。黃
帝長子昌意德力不足。紹承大位。降居斯水。爲諸侯焉。娶蜀山氏女。生顓
頊於若水之野。有聖德。二十登帝位。承少皞金宮之政。以水德寶歷矣。若
水東南流。鮮水注之。一名州江。大度水。出徼外。至髦牛道。南流入于若水。

又逕越雋大茆縣入繩。繩水出嶽外。山海經曰。巴遂之山。繩水出焉。東南
流。分爲二水。其一水枝派東出。逕廣柔縣。東派注于江。其一水南逕犛道。
至大茆與若水合。自下亦通謂之爲繩水矣。茆。夷也。汶山曰夷。南中曰昆
彌。蜀曰邛。漢嘉。越雋曰茆。皆夷種也。南過越雋邛都縣西。直南至會無縣。
淹水。東南流注。邛都縣。漢武帝開。邛作置之縣。陷爲池。今因名爲邛池。南
人謂之河。河中有蛙。雋山有雋水。言越此水以章休戚也。後復反叛。元鼎
六年。漢兵自越雋水伐之。以爲越雋郡。治邛都縣。王莽遣任貴爲領戎大
尹守之。更名爲集雋也。縣故邛都國也。越雋水。即繩若矣。似隨水地而更
名矣。又有溫水。冬夏常熱。其源可縛雞豚。下湯沐洗。能治宿疾。昔李驥敗
李流於溫水。是也。若水又逕會無縣。縣有駿馬。河水出縣東高山。山有天
馬經厥跡存焉。馬日行千里。民家馬牧之山下。或產駿駒。言是天馬子。河
中有具子胎銅。以羊祠之。則可取也。又有孫水焉。水出臺高縣。即臺登縣
也。孫水一名白沙江。南流逕邛都縣。司馬相如定西夷橋。孫水卽是水也。
又南至會無入若水。若水又南逕雲南郡之遂久縣。蜻蛉水入焉。水出蜻
蛉縣西。東逕其縣下。縣以氏焉。有石猪圻。長谷中有石猪。子母數千頭。耆
老傳言。夷昔牧此一朝。化爲石。迄今夷人不敢任牧。食水出焉。蜻蛉水又

東注于繩水。繩水又逕三絳縣西。又逕姑復縣北。對三絳縣淹水注之。三絳一曰小會無。故經曰淹至會無。注若水。水又與母血水合。水出益州郡犍爲縣東。農山母血谷。北流逕三絳縣南。北入繩。繩水又東涂水注之。水出建寧郡之牧靡縣南山。縣山並即草以立名。山在縣東北焉。句山南五百里。山生牧靡可以解毒。百世方盛。鳥多誤食。鳥啄口中毒。必急飛往牧靡山。啄牧靡以解毒也。涂水導源鴈谷。西北流至越嶲入繩。繩水又逕越嶲郡之馬湖縣。謂之馬湖江。又左合卑水縣。而東源注馬湖江也。又東北至犍爲朱提縣西瀘江水。朱提。山名也。應劭曰。在縣西南以氏馬。犍爲屬國也。在郡南千八百許里。建安二十二年立朱提郡。郡治縣故城。郡西南二百里。得所維堂琅縣西。北行上高。上羊腸繩屈八十餘里。或攀木而升。或繩練相牽而上。緣陟者若將階天。故袁休明巴蜀志云。高山嵯峨。巖石磊落。傾側縈迴。下臨峭壁。行者扳緣。牽援繩練。三蜀之人。及南中諸郡。以爲至險。有瀘津東去縣八十里。水廣六七百步。深十數丈。多瘴氣。鮮有行者。晉明帝太寧二年。李驤等侵越嶲攻臺登縣。寧州刺史王遜遣將軍姚岳擊之。戰于堂琅。驤軍大敗。岳追之至瀘水。赴水死者千餘人。遜以岳等不窮追。怨甚。髮上衝冠。恰裂而卒。棠水昌郡有蘭倉水出西南博南縣。漢明

帝永平十二年。置傳南山名也。縣以氏之其水東北流出傳南山。漢武帝時通傳南山道。渡蘭蒼津。土地絕遠。行者苦之。歌曰。漢德廣闊。不賓渡傳。南越蒼津。渡蘭倉爲作。人山高四十里。蘭蒼水出金沙。越人收以爲黃金。又有光珠穴。穴出光珠。又有琥珀珊瑚。黃白青珠也。蘭倉又東北逕不韋縣。與類水合。水出焉。唐縣漢武帝置類水。西南派曲折。又北派東至不韋縣。注蘭倉水。又東與禁水合。水亦永昌縣。而北逕其郡西。水左右甚饒。犀象山有鈎蛇。長七八丈。尾末有岐。蛇在山澗水中。以尾鈎岸上人牛食之。此水傍瘴氣特惡。氣中有物。不見其形。其作有聲。中木則折。中人則害。名曰鬼彈。惟十一月十二月差可渡。正月至十月逕之無不害人。故郡有罪人徙之禁防。不過十日皆死也。禁水又北注瀘津水。又東逕不韋縣北。而東北流。兩岸皆高山數百丈。瀘峯最爲高秀。孤高三千餘丈。是山於晉太康中崩。震動郡邑。水之左右馬步之徑裁通。而特有瘴氣。三月四月逕之必死。非此時猶令人悶吐。五月以後。行者差得無害。故諸葛亮表言五月渡瀘。并日而食。臣非不自惜也。顧王業不可偏全於蜀故也。益州記曰。瀘水源出曲羅舊下三百。始曰瀘水。兩峯有殺氣。暑月舊不行。故武侯以夏渡爲艱。瀘水又下合諸水而總其目焉。故有瀘江之名矣。自朱提至樊道。

有水步。道有黑水。羊官水至嶮難。三津之阻。行者苦之。故俗謂之語曰。猶溪亦木。盤蛇七曲。盤羊鳥攔。氣與天通。省都渡此。住柱呼尹。秦降賈子。老僭七里。又有牛叩頭。馬搏頰。坂其艱嶮。如此也。又東北至樊道縣入于江。若水至樊道。又謂之馬湖。江繩水灑水。孫水淹水。大渡水。隨水。入而納。通稱是以諸書錄記群水。或言入若。又言注繩。亦咸言至樊道入江。正是異水。泐注通爲一津。更無別川。可以當之。水有孝子石。昔縣人有隗叔通者。性至孝。爲母給江沓水。天爲出平石。至江沓中。今猶謂之孝子石。可謂至誠發中。而休應自天矣。沫水出廣柔徼外。縣有石紐鄉。禹所生也。今夷人共營之。地方百里。不敢居牧。有罪逃野。捕之者不過能歲三年不爲人得。則共斥之。言大禹之神所祐之也。東南過旄牛縣北。又東至越雋靈道縣出蒙山南。靈道縣。一名靈關道。漢制夷狄曰道。縣有銅山。山人有劉慈者。大始元年。黃龍二見于慈池。縣令董玄之。率吏民觀之。以白刺史王濬。濬表上之。晉朝以護龍縣也。沫水出岷山西。東流過漢嘉郡。南流衝一高山。山上合下開。水逕其間。山即蒙山也。東北與青衣水合。華陽國記曰。二水於漢嘉青衣縣東合爲一川。自下亦謂之爲青衣水。水又東逕閬邦縣故平鄉也。晉初置沫水。又東逕臨邛南而東出于江原縣也。東入于江。昔沫水